




Փաստաթղթի անվանում	Ուսանողական խորհրդի կանոնադրություն
Փաստ. N	ԵՄՀ/ԸԿ-ԿԳ-19-02
Հաստատման ամսաթիվ	02/11/2009
Վերջին վերանայման ամսաթիվ	22/07/2022
Հաստատող մարմին	Կառավարման խորհուրդ
Մշակող	Ուսանողական խորհուրդ
Ներդրման պատասխանատու	Ուսանողական խորհրդի նախագահ



ՓԱՍՏԱԹՂԹԻ ՓՈՓՈԽՈՒԹՅՈՒՆՆԵՐԸ

Ամսաթիվ	Կատարված փոփոխություն	Անուն, ազգանուն, պաշտոն, ստորագրություն
22/07/2022	<p>Կանոնադրությունը ամբողջովին վերանայվել է, հստակեցվել են Ուսանողական խորհրդի կառավարման մարմիններն, վերջիններիս լիազորություններն ու ընտրության կարգը:</p> <p>Միավորվել են Ուսանողական երեք կառույցները՝ Ուսանողական խորհուրդ, Ուսանողական գիտական ընկերություն և Ուսանողների իրավունքների պաշտպան:</p>	<p>Էդգար Մանուչարյան ԵՄՀ ՈւԻՆ նախագահի պաշտոնակատար</p> <p><i>[Signature]</i> Սամվել Պիպոյան, ԵՄՀ Կառավարման խորհրդի նախագահ</p> <p><i>[Signature]</i></p>

1. ԸՆԴՀԱՆՈՒՐ ԴՐՈՒՅԹՆԵՐ

- 1.1. Եվրասիա միջազգային համալսարանի Ուսանողական խորհուրդը (այսուհետ՝ ԵՄՀ ՈւԽ) ԵՄՀ ուսանողության ներկայացուցչական, ինքնակառավարման և նրա ընկերային շահերը ներկայացնող բարձրագույն ընտրովի մարմին է:
- 1.2. ԵՄՀ ՈւԽ-ն ապաքաղաքական, ապակուսակցական և ներհամալսարանական կազմակերպություն է:
- 1.3. ԵՄՀ ՈւԽ-ն արտահայտում և պաշտպանում է ուսանողության շահերը, նպաստում նրանց կրթական, գիտական, ստեղծագործական, ֆիզիկական, բարոյական և հոգևոր զարգացմանը:
- 1.4. ԵՄՀ ՈւԽ-ն իր գործունեությունն իրականացնում է ՀՀ Սահմանադրությանը, ՀՀ գործող օրենսդրությանը, ԵՄՀ կանոնադրությանը և սույն կանոնադրությանը համապատասխան:
- 1.5. ԵՄՀ ՈւԽ-ի լրիվ անվանումն է՝ հայերեն՝ Եվրասիա միջազգային համալսարանի Ուսանողական խորհուրդ, ռուսերեն՝ Студенческий Совет Международного Института Евразия, անգլերեն՝ Student Council of Eurasia International University:
- 1.6. ԵՄՀ ՈւԽ-ի հասցեն է՝ Հայաստանի Հանրապետություն, ք.Երևան 0014, Ազատության 24/2, Եվրասիա միջազգային համալսարան:

2. ՈՒԽ-Ի ՆՊԱՏԱԿՆԵՐԸ ԵՎ ԳՈՐԾՈՒՆԵՈՒԹՅԱՆ ՀԻՄՆԱԿԱՆ ՈՒՂՂՈՒԹՅՈՒՆՆԵՐԸ

- 2.1. ԵՄՀ ՈւԽ-ի հիմնական նպատակներն ու խնդիրները.
 - պաշտպանել ուսանողների շահերն ու իրավունքները,
 - ապահովել ուսանողների մասնակցությունը համալսարանի կառավարմանը,
 - համալսարանի կառավարման համապատասխան մարմինների քննարկմանը ներկայացնել ուսանողությանն առնչվող հարցեր,
 - աջակցել ուսումնական գործընթացի կազմակերպմանը և ուսուցման արդյունավետության բարձացմանն ուղղված ծրագրերի մշակմանն ու իրականացմանը,
 - իրազեկել ուսանողներին իրենց իրավունքների և պարտականությունների մասին,
 - միավորել համալսարանի ուսանողության ջանքերը՝ նպաստելու ուսումնառության համար բարենպաստ միջավայրի ձևավորմանը և խթանելու ուսանողների գիտական, կրթական, հոգևոր, մշակութային, ստեղծագործական ու ֆիզիկական զարգացմանը,
 - նպաստել ուսանողների գիտական և հետազոտական աշխատանքների իրականացմանը, համապատասխան հետազոտական հմտությունների զարգացմանը,
 - աջակցել ուսանողների սոցիալական վիճակի բարելավմանը, կազմակերպել ուսանողների ազատ ժամանցն ու հանգիստը,
 - մասնակցել ԵՄՀ տարածքում ներքին կարգապահության պահպանմանը,
 - ինչպես նաև զբաղվել ուսանողներին հուզող այն խնդիրներով, որոնք նախատեսված չեն սույն կանոնադրությամբ:

- 2.2. ԵՄՀ ՈւԽ-ն իր գործունեությունը ծավալում է՝ ելնելով նշված նպատակներից և խնդիրներից: Այն համագործակցում է ՀՀ-ում և արտերկրում գործող բուհական, ուսանողական, երիտասարդական և այլ կազմակերպությունների, ինչպես նաև մասնավոր անձանց հետ՝ փոխհարաբերությունները կառուցելով պայմանագրային և համագործակցության ու փոխշահավետության հիմունքներով:
- 2.3. ՈւԽ-ն համալսարանի կանոնադրության շրջանակում, սահմանված կարգով կարող է իրականացնել հրատարակչական գործունեություն, սոցիոլոգիական և այլ կարգի հետազոտություններ, տրամադրել խորհրդատվություն, իրականացնել ծրագրեր, կազմակերպել կոնֆերանսներ, սեմինարներ, արշավներ և այլ միջոցառումներ:

3. ՈՒՍԱՆՈՂԱԿԱՆ ԽՈՐՀՐԴԻ ԿԱՌՈՒՑՎԱԾՔԸ ԵՎ ՂԵԿԱՎԱՐ ՄԱՐՄԻՆՆԵՐԸ

- 3.1. ԵՄՀ ՈւԽ Բարձրագույն մարմինը ուսանողների ներկայացուցիչների Ընդհանուր ժողովն է, որը հրավիրվում է յուրաքանչյուր տարին առնվազն մեկ անգամ:
- 3.2. Ընդհանուր ժողովը անդամները ընտրվում են երկու տարի ժամկետով ամբիոններում՝ ըստ կուրսերի (բակալավրիատ և մագիստրատուրա 1-ին կուրս) կազմակերպված ուղղակի և բաց ընտրությունների արդյունքում: Ընտրված են համարվում այն թեկնածուները, ովքեր հավաքել են ընտրություններին մասնակցած ուսանողների ձայների մեծամասնությունը:
- 3.3. Թեկնածուները առաջադրվում են ինքնաառաջադրման սկզբունքով կամ այլ ուսանողների կողմից: ՈւԽ Ընդհանուր ժողովի անդամ կարող է առաջադրվել այն ուսանողը, որի միջին որակական գնահատականը 2.0 և ավելի է (առաջին կուրսերում ընտրությունները կազմակերպվում են առանձին ժամանակահատվածում՝ ՄՈԳ ձևավերելուց հետո): Ուսանողը առաջին անգամ ՈւԽ ընդհանուր ժողովի պատվիրակ չի կարող ընտրվել եթե նրա անհարգելի բացակայությունների թիվը վերջին մեկ ուսումնական տարվա ընթացքում հատում է նախատեսված լսարանային ընդհանուր ժամերի 30%-ը կամ ունի 6 կրեդիտը գերազանցող ակադեմիական պարտք (վերընտրվելու ժամանակ սույն սահմանափակումը կարող է չեղարկվել ընտրական հանձնաժողովի որոշմամբ): Մասնագիտական ուսումնական հաստատություններից (քոլեջներից) ընդունված ուսանողների պարագայում մինչ ՄՈԳ-ի ձևավորումը կիրառվում է նրա ստացած մասնագիտական կրթության վկայականում գրանցած ՄՈԳ-ի արդյունքը:
- 3.4. Ընտրությունների անցկացման մասին հայտրարարությունը տարածվում է ընտրական հանձնաժողովի կողմից: Կուրսերում կազմակերպվող ընտրություններից առնվազն մեկ օր առաջ առաջադրվելու կամ ինքնաառաջադրվելու մասին գրավոր դիմումները ներկայացվում են Ընտրական հզանձնաժողով:
- 3.5. Յուրաքանչյուր ամբիոնի յուրաքանչյուր կուրսից (ըստ առկա և հեռակա ուսուցման համակարգերի) ընտրվում է առնվազն մեկ ընդհանուր ժողովի անդամ, եթե կուրսի ուսանողների թիվը 7 և ավել է, հակառակ դեպքում ընտրությունները ընտրական հանձնաժողովի որոշմամբ կարող են կազմակերպվել միավորված կուրսերով: Եթե կուրսի ուսանողների թիվը 30 և ավել է, ապա տվյալ կուրսից կարող է ընտրվել ընդհանուր ժողովի

երկու անդամ: Օտարերկրացի ուսանողների պարագայում ընտրական հանձնաժողովի որոշմամբ ընտրությունները կազմակերպվում են ըստ առանձին խմբերի:

- 3.6. ՈւՄ կանոնադրությունները կազմակերպվում են ընտրական հանձնաժողովի կողմից, որը բաղկացած է 6 անդամներից, որից 3-ը առաջադրվում են Ռեկտորի կողմից և 3-ը ՈւՄ-ի կողմից (ՈւՄ գործող կազմի բացակայության դեպքում՝ նախապաձեռնող կազմի կողմից): Ընտրական հանձնաժողովի ամբողջական կազմը հաստատվում է ռեկտորի որոշմամբ (հանձնաժողովը ընտրում է հանձնաժողովի նախագահ և քարտուղար, որոնք ստորագրում են հանձնաժողովի նիստերի արձանագրություններն ու որոշումները): Հանձնաժողովը սահմանում է իր աշխատակարգը, հանձնաժողովի որոշումները ընդունվում են անդամների ձայների պարզ մեծամասնությամբ:
- 3.7. ՈւՄ-ի աշխատանքներին ՈւՄ կանոնադրության համաձայն կամավորության սկզբունքով կարող են ներգրավվել նաև ՈւՄ Ընդհանուր ժողովի անդամ չհանդիսացող ուսանողներ:
- 3.8. **ՈւՄ Ընդհանուր ժողովը՝**
- ընդունում է ՈւՄ-ի կանոնադրությունը, փոփոխություններ և լրացումներ կատարում նրանում, վերջինս ուժի մեջ է մտնում ԵՄՀ Կառավարման խորհրդի կողմից հաստատման պահից,
 - լսում և հաստատում է ՈւՄ նախագահի տարեկան հաշվետվությունը,
 - քննարկում և սահմանում է ՈւՄ-ի տարեկան գործունեության կարևորագույն ուղղությունները և առաջիկա տարվա ծրագրային առաջնությունները,
 - որոշում է կայացնում ՈւՄ-ի վերակազմավորման վերաբերյալ,
 - քվեարկությամբ երկու տարի ժամկետով ընտրում է ՈւՄ նախագահին, ՈւՄ նախագահության անդամներին (այդ թվում ՈւՄ նախագահի տեղակալ(ներ), ՈւՄ քարտուղար, ՈւՄ հանձնաժողովի նախագահ), ՈւՄ վերստուգիչ հանձնաժողով:
- 3.9. Ընդհանուր ժողովը իրավագոր է, եթե ներկա են անդամների ընդհանուր թվի կեսից ավելին: Ժողովի նիստերը վարում է ՈւՄ նախագահը: Ժողովի որոշումներն ընդունված են համարվում, եթե կողմ են քվեարկել ներկա անդամների ձայների պարզ մեծամասնությունը: ՈւՄ նախագահի բացակայության դեպքում (նրա ժամկետի ավարտ և այլն) ընդհանուր ժողով կարող է հրավիրել նաև ընտրական հանձնաժողովը: Մինչ ՈւՄ նախագահի ընտրությունը ընդհանուր ժողովը վարում է ընտրական հանձնաժողովի ներկայացուցիչը:
- 3.10. Ժողովի նիստերի արդյունքներն ամփոփվում են արձանագրությամբ, որտեղ նշվում է օրակարգը, մասնակիցների թիվը, քննարկվող հարցերի բովանդակությունը, որոշումները և քվեարկության արդյունքները: Արձանագրությունը ստորագրում է ՈւՄ-ի նախագահը և քարտուղարը:
- 3.11. Նախագահության կազմը և կառուցվածքը սահմանում է ՈւՄ Ընդհանուր ժողովը:
- 3.12. **Նախագահությունը՝**
- նախապատրաստում և հրավիրում է Ընդհանուր ժողովի նիստերը, հետամուտ լինում ընդունված որոշումների իրագործմանը, քննարկում ընթացիկ հարցեր,

- մշակում և համակարգում է Ժողովի ընթացիկ և հեռանկարային ծրագրերն ու աշխատանքները,
- առաջարկություններ է ներկայացնում կանոնադրությունը լրացնելու, փոփոխելու համար,
- առաջարկում է թեկնածուներ ԵՄՀ կառավարման մարմինների կազմում ընդգրկելու համար,
- հաստատում է ՈւԽ նախագահության, մշտական և Ժամանակավոր հանձնաժողովների աշխատակարգերը,
- ամփոփում և վերլուծում է ուսանողների ընթացիկ առաջադիմության, ուսումնական կարգապահության վիճակը և այլն:
- որոշումներ է ընդունում ՈւԽ կանոնադրական նպատակների և խնդիրների իրագործման նպատակով:

3.13. Նախագահության նիստերը հրավիրվում են երկու ամսի ընթացքում մեկ անգամ:

3.14. Նախագահության նիստերը իրավագոր են, եթե մասնակցում են Նախագահության անդամների առնվազն 1/2-ը: Նիստերը հրավիրվում են Նախագահության անդամների 1/3-ի պահանջով հինգ օրյա ժամկետում:

3.15. **ՈւԽ նախագահը՝**

- կազմակերպում և համակարգում է ՈւԽ-ի գործունեությունը,
- վարում է ՈւԽ ընդհանուր ժողովի և նախագահության նիստերը
- մասնակցում է ԵՄՀ կառավարման և գիտական խորհուրդների նիստերին,
- ՈւԽ անդամների տալիս է հանձնարարականներ, ներկայացնում է ԵՄՀ ուսանողական խորհուրդը ներքին և արտաքին հարաբերություններում,
- Ստորագրում ֆինանսական ծախսերին առնչվող փաստաթղթեր
- կնքում է պայմանագրեր և համաձայնագրեր,
- լսում է զեկույցներ հանձնաժողովներում և ամբիոններում կատարվող աշխատանքների մասին:

3.16. Նախագահի տեղակալը կատարում է նախագահի հանձնարարականները: Նախագահի բացակայության դեպքում փոխարինում է նախագահին, նրա հանձնարարությամբ համակարգում է ՈւԽ աշխատանքները:

3.17. Քարտուղարը վարում է ՈւԽ արձանագրությունները, պատասխանատու է նամակագրության և փաստաթղթաշրջանառության համար, համակարգում է քարտուղարության աշխատանքը: Քարտուղարի բացակայության դեպքում քարտուղարի պարտականությունները կատարում է նախագահության կողմից լիազորված այլ ՈւԽ նախագահության անդամ:

3.18. ՈւԽ-ի փոխնախագահի և քարտուղարի թեկնածությունները կարող են առաջադրվել ՈւԽ-ի նախագահի կողմից: Վերջիններս ընտրվում են Ընդհանուր ժողովի կողմից ձայների պարզ մեծամասնությամբ:

3.19. Սույն կանոնակարգով չնախատեսված և դրանում չընդգրկված այլ հարցերը կանոնակարգվում են ԵՄՀ կանոնադրությամբ և Ժողովի որոշումներով:

4. ՌՈՐՀՐԴԻ ՀԱՆՁՆԱԺՈՂՈՎՆԵՐԸ

- 4.1. ՌԻՄ-ի խորհրդակցական մարմիններն են ՌԻՄ-ի մշտական հանձնաժողովները: Մշտական հանձնաժողովները ստեղծվում և լուծարվում են Ընդհանուր ժողովի որոշմամբ: Մշտական հանձնաժողովները ղեկավարում են ՌԻՄ նախագահության անդամները, իսկ դրանց կազմում ՌԻՄ նախագահության աշխատակարգի համաձայն կարող են ընդգրկվել նաև ԵՄՀ այլ ուսանողներ (յուրաքանչյուր ուսանող կարող է ընդգրկվել առավելագույնը երկու հանձնաժողովում): ՌԻՄ հանձնաժողովների կազմը հաստատում է ՌԻՄ նախագահությունը: ՌԻՄ հանձնաժողովը յուրաքանչյուր կիսամյակում հրավիրում է առնվազն երկու նիստ: Հանձնաժողովի նախագահները հանձնաժողովների գործունեության վերաբերյալ հաշվետվությունները ներկայացնում են կիսամյակային կտրվածքով՝ նախագահությանը:
- 4.2. ՌԻՄ կազմում գործում են հետևյալ մշտական հանձնաժողովները՝
- Ուսանողական իրավունքների պաշտպանության հանձնաժողով,
 - Մշակույթի, սպորտի, ազատ ժամանցի կազմակերպման հանձնաժողով,
 - Կրթագիտական հարցերի հանձնաժողով - Ուսանողական գիտական ընկերություն:
- 4.3. Ուսանողական իրավունքների պաշտպանության հանձնաժողովը զբաղվում է ուսանողների իրավունքների և շահերի պաշտպանությամբ, ինչպես նաև իրազեկում ուսանողներին իրենց իրավունքների և պարտականությունների մասին:
- 4.4. Մշակույթի, սպորտի, ազատ ժամանցի կազմակերպման հանձնաժողովը կազմակերպում է ուսանողների ազատ ժամանցն ու հանգիստը, նպաստում ուսանողության համար բարենպաստում միջավայրի ձևավորմանը և խթանում ուսանողների մշակութային, ստեղծագործական ու ֆիզիկական զարգացմանը:
- 4.5. Կրթագիտական հարցերի հանձնաժողով - Ուսանողական գիտական ընկերությունը համակարգում է կրթական, գիտական և հետազոտական ոլորտներում ուսանողության նախաձեռնությունների իրականացումը, ապահովում հետազոտական ծրագրերում ուսանողների ընդգրկվածությունը, ինչպես նաև կազմակերպում ուսանողական գիտաժողովներ, կոնֆերանսներ, սեմինարներ և այլ կրթական և գիտական ուղղվածություն ունեցող միջոցառումներ:
- 4.6. Ըստ անհրաժեշտության Ընդհանուր ժողովի կամ Նախագահության որոշմամբ կարող են ձևավորվել նաև ժամանակավոր հանձնաժողովներ:

5. ՌԻՄ ՖԻՆԱՆՍԱԿԱՆ ՄԻՋՈՑՆԵՐԸ

- 5.1. ՌԻՄ ֆինանսական միջոցները գոյանում են ԵՄՀ հատկացումներից, դրամաշնորհներից, հանգանակություններից, նվիրատվություններից, ինչպես նաև ԵՄՀ Կանոնադրությանը չհակասող և ՀՀ օրենսդրությամբ չարգելված այլ աղբյուրներից (հետազոտություններ, վճարովի գանազան ծառայություններ):

6. ՎԵՐՍՏՈՒԳԻՉ ՀԱՆՁՆԱԺՈՂՈՎ

- 6.1. Վերստուգիչ հանձնաժողովն իրականացնում է ՈւԽ-ի որոշումների կանոնակարգային համապատասխանության և ֆինանսական միջոցների ու գույքի օգտագործման նկատմամբ վերահսկողությունը:
- 6.2. Հանձնաժողովի կազմը (մինչև երեք հոգի) ընտրվում է ՈւԽ Ընդհանուր ժողովի կողմից՝ երկու տարի ժամկետով՝ բաց քվեարկությամբ: Հանձնաժողովն իր կազմից ընտրում է նախագահ, որը խորհրդակցական ձայնի իրավունքով կարող է մասնակցել ԵՄՀ ՈւԽ նախագահության նիստերին:
- 6.3. Վերստուգիչ հանձնաժողովը հաշվետու է Ընդհանուր ժողովին:

7. ՈՒԽ ՎԵՐԱԿԱԶՄԱՎՈՐՈՒՄԸ

- 7.1. ԵՄՀ ՈւԽ-ն վերակազմավորվում է ԵՄՀ ՈւԽ Ընդհանուր ժողովի անդամների 2/3-ի որոշմամբ: